

Powšitkowne WOZJEWJENJA

njedźelu, 5. oktobra 2014

Zhromadny dzeń za 1. a 2. lětnik

Dekanatne dušepastyrstwo přeprošuje džěci 1. a 2. lětnika na zhromadny dzeń sobotu, 11. oktobra, wot 9 do 15 hodź. do Don Boskoweho domu we Worklecach. Zajimcy njech so prošu hač do srjedy, 8. oktobra, pod telefonowym čisłom (03 57 96) 8 87 07 přizjewja. Za wudawki dnja zběra so wot kóždeho wobdźělnika přinošk we wysokosći třoch eurow.

Jězba do Rudnych horow za džěci 5. a 6. lětnika

Na jězbu do Rudnych horow wot pónđzele do štwórtka, 20. do 23. oktobra, přeprošuje Dekanatne dušepastyrstwo džěci 5. a 6. lětnika. Za jězbu zběra so wot kóždeho wobdźělnika přinošk we wysokosći 65 eurow. Zajimcy njech so prošu hač do pjatka, 10. oktobra, pod telefonowym čisłom (03 57 96) 8 87 07 přizjewja.

Romantiski oratorij k swjatemu Francej přěni raz w Němskej

Budyski katolski tachantski chór zanjesje njedźelu, 12. oktobra, we 18 hodź. w Budyskej ewangelskej Michałskej cyrkwi oratorij k swjatemu Francej. Twórba južnotirolskeho komponista Hartmanna von An der Lan-Hochbrunna bu drje přěni króć 1901 w St. Petersburgu a 1998 w Bozenje zanjesena, ale drje hišće ženje w Němskej. Oratorij wo žiwjenju swjateho Franca Assisiskeho ze solistami, chórom, wulkim romantiskim orchestrom a pišćelemi traje nimale połdra hodźiny. Solisća su Anja Zügner, Tanja Donatec, Mikołaj Walerych a Matthias Weichert. Tachantski chór přewodžeja orchester Serbskeho ludoweho ansambla, Drježdžanska Sinfonietta a na pišćelach Feliks Brojer. Cyłkowny nawod ma tachantski kantor, cyrkwinski hudźbny direktor Friedemann Böhme.

Tydzeń zetkanja młodych dorosćenych

Hünfeldski pater Martin Wolf z rjadu oblatow přeprošuje młodych dorosćenych w starobje 25 do 39 lět z Łužicy na zhromadny tydzeń do tamnišeho klóštra. Zaměr je zetkanje z jenak starymi ludźimi. Dny wotměja so wot pónđzele do pjatka, 9. do 13. februara 2015. Zajimcy měli so hač do srjedy, 15. oktobra, z mailku pod Begegnungswoche@pfarrei-crostwitz.de přizjewić. Nadrobniše informacije su pod www.posol.de wozjewjene.

Eksercicije w Drježdžanskim domje Wysoke duby

Dny rozpominanja a modlenja wotměja so wot pjatka, 10. oktobra, we 18.00 hodź. hač do njedzele, 12. oktobra, připołdnja w eksercicijnym domje Wysoke Duby w Drježdžanach. Jezuitski pater Willi Lambert přewjedže je k temje „Z čeho je wěra žiwa – eucharistija a žiwjenska kultura“. Wón budže w němskej rěči přednošować, modlitwy a kěrlušy budu serbske. Tež mjelčenje a wuměna nazhonjenjow budžetej wobstatk tutych dnjow. Přizjewić měli so zajimcy w Chrósćicach na farje, telefonowe čisło (03 57 96) 8 04 00 abo pola Marije Clausenoweje, telefonowe čisło (01 52) 52 05 71 88.

Zetkanje Kevelaerskich a přichodnych putnikow

Wšitkich, kotřiž su so na putniskej jězbje do Kevelaera wobdžělili, přeprašuju na zetkanje w Šmitec wozydłownistwje w Radworju. Tute budže pjatk, 10. oktobra, po wječornych kemšach, kotrež su w 19 hodž. Dokelž chcemy nowu jězbu planować, su wšitcy zajimcy wutrobnje přeprašeni.

T. Kubašec

Nazymskej koncertaj w Njebjelčicach a Radworju

Chór Łužyca wuhotuje njedźelu, 12. oktobra, w 15.30 hodž. w Njebjelčanskej „Bjesadže“ nazymski koncert. Hižo hodžinu do toho poskići so swačina. Samsny dzeń je dalši nazymski koncert z chórom Lipa w Radworskim hosćencu „Meja“. Započatk je w 16 hodž., tež tam hodžinu do toho ze swačinu.

Kašubow zeznać

Wo Kašubach, ludowej skupinje w Pólskej, wotewrje Budyski Serbski muzej přichodnu njedźelu, 12. oktobra, hóstnu wustajeńcu. Mjez druhim zahraje Kašubska kapala. Započatk je w 15 hodž.

Komedija w Chróścicach

Komedija „Jedyn Šwjerčik přińdže zředka sam“ zahraje Chróścianska dźiwadłowa skupina tutu njedźelu, 5. oktobra, w 16 hodž. na Krawčikec žurli w Chróścicach. Wšitcy su wutrobnje přeprašeni.

Prezentacija CD kulturneje brigady

Na předstajenje CDje, kotraž bu loni na adwentnym koncerće nahrata, přeprašuje 1. serbska kulturna brigada z.t. wšitkich cyle wutrobnje. Swoju hudźbnu chłóšćenku prezentuje wona srjedu, 15. oktobra, w 16.00 hodž. w Budyskej Michałskej cyrkwi.